



册府元龟
卷之九百七十四
至六



1 3
849
313



四 4 8
849
313



冊府元龜

淮南李嗣京叅閱

西極文翔鳳訂正

豫章黃國琦較釋

外臣部

一十九

褒異

先王之御夷狄也接之以禮示之以信濡之以惠澤
聳之以威德羈縻勿絕而已蓋以其桀驁成性荒簡
無嘗不可以臣畜之也三代而下因其慕嚮厚加恩
紀以申撫納或優厥贈賄或被以官帶賜印綬以異

其數班幣帛以將其意以至殊館穀之待加優戲之
娛紆車駕以臨會命公卿而祖道又復哀其淪喪錄
其勲伐恩及母妻賞逮臣僕用能綏懷遐阻窒其侵
叛之原震耀威靈成乎率服之盛斯亦來遠之奇策
也

周成王既伐東夷肅慎來賀

海東諸夷駟麗扶餘貊
貊之屬武王克商皆通

道焉成王既政而叛成王
伐而服之故肅慎氏來賀

王俾榮伯作賄肅慎之命

榮國名同姓諸侯為卿大夫士使
之為命書以幣賄賜肅慎之夷

漢文帝元年以南粵王趙佗親冢在真定置守邑

親謂

父母

也 歲時奉祀名其後昆弟尊官厚賜寵之

武帝元鼎四年南越王興上書請比內諸侯三歲一

朝帝許之賜其丞相呂嘉銀印及內史中尉太傅印

餘得自置

元封二年既平西南夷其君長以百數獨夜郎滇受

王印滇小邑也最寵焉

天漢二年以匈奴降者界和王為開陵侯

昭帝元鳳四年平樂監傅介子既殺樓蘭王漢乃立

樓蘭王先降漢者弟尉屠耆為王更名其國為鄯善

為刻印章賜以宮女為夫人備車騎輜重

重直用切丞相

將軍百官送至橫門外

橫音光

祖而遣之

為設祖道之禮也

宣帝本始三年較尉嘗惠將烏孫兵人匈奴右地大克獲漢遣惠持金幣賜烏孫貴人有功者

元康元年龜茲王絳賓來朝王及夫人皆賜印綬夫

人號稱公主

夫人即烏孫公主女也王上書言得尚漢外孫頃與公主女俱入朝也賜

以車騎旗鼓歌吹數十人綺綉雜綺繒珍凡數千萬

綺音奇留且一年厚贈送之

二年烏孫昆彌及太子左右大將都尉皆遣使凡二

百餘人入漢迎公主天子自臨平樂觀會匈奴使者

外國君長大角抵設樂而遣之

甘露二年匈奴呼韓邪單于款五原塞

款仰也願奉國

珍朝三年正月詔曰蓋聞五帝三王教化所不施不

及以政今匈奴單于稱北蕃朝正朔朕之不逮德不

能弘覆其以客禮待之令單于位在諸侯王上贊謁

稱臣而不名於是朝天子于甘泉宮漢寵以殊禮賜

以官帶衣裳黃金璽盤綬

璽古戾字戾草名也以戾染綬亦諸侯王之制也

玉具劍

標首鐔衛用玉為之也鐔劍口旁橫出者也衛劍阜也鐔音滌衛字本作彘其音同耳

佩刀弓一張矢四發

發猶今言箭一放兩放也今則以一矢為一放也祭戟

十祭戟有衣之安車一乘鞍勒一具

勒馬轡也馬十五匹

黃金二十斤錢二十萬衣被七十七襲

一稱為一襲猶今人言之

以副衣錦繡綺縠雜帛八千匹絮六千斤禮畢使使

者道單于先行宿長平

道讀曰導長平 涇水上坂也

帝自甘泉宿

池陽官登長平詔單于毋謁

不令拜也

其左右當戶之羣

臣皆得列觀及諸蠻夷君長王侯數萬咸迎於渭橋

下夾道陳帝登渭橋咸稱萬歲單于就邸留月餘遣

歸國是時西域都護韓宣奏烏孫大史大祿大監皆

可以賜金印紫綬以尊輔大昆彌漢許之

黃龍元年呼韓邪單于復入朝禮賜如初加衣百一

十襲錦帛九千疋絮八千斤

元帝竟寧元年呼韓邪單于入朝禮賜如初加衣服

錦帛絮皆倍於黃龍時

成帝河平四年復株系若鞮單于來朝

復音服 系加力追切

賜錦繡繪帛二萬匹絮二萬斤它如竟寧時

哀帝元壽二年烏珠留單于來朝加賜衣三百七十

襲錦繡繪帛三萬匹絮三萬斤它如河平時

後漢光武建武十七年莎車王賢遣使奉獻請都護

乃因其使賜賢西域都護印綬及車旗黃金錦繡

二十五年烏桓大人來朝

大人謂渠帥也

南單于及扶餘王

遣使詣闕貢獻

扶餘國在海東去玄菟千餘里

是時四夷朝貢絡繹

而至天子乃命大會勞饗賜以珍寶

二十六年南單于遣子入侍奉奏詣闕詔賜單于冠

帶衣裳黃金璽盤網綬

盤音戾綠色網古
虵切紫青色也

安車羽蓋

華藻駕駟寶劍弓箭黑節三駙馬二黃金錦繡繒布

萬匹絮萬斤樂器鼓車祭戟甲兵飲食什器自是單

于歲盡輒遣奉奏送太子入朝中郎將從事一人將

領詣闕漢遣謁者送前侍子還單于庭交會道路元

正朝賀拜祠陵廟畢漢乃遣單于使令謁者將送賜

綵繒千匹錦四端金十斤大食御食醬及橙橘龍眼

荔支賜單于母及諸闕氏單于子及左右賢王左右

谷蠡王骨都侯有功善者綵繒合萬匹歲以為嘗

二十九年賜南單于羊數萬頭

中元元年南單于弟左賢王莫立帝遣使者齎璽書

領尉授璽綬遺冠幘絳單衣三襲童子佩刀緹帶各

一又賜繒綵四千匹令賞賜諸王骨都侯已下其後

單于薨弔祭慰以此為嘗

明帝永平四年遼東太守祭彤誘賂鮮卑使斬叛烏

丸歆志賁等首於是鮮卑自燉煌酒泉以東邑落大

人皆詣遼東受賞贈青徐二州給錢歲二億七千萬

以為常

和帝永元四年北匈奴右谷蠡王於除鞬自立為單

于鞬九言切於欵塞乞降遣大將軍左較尉耿夔即

授印仍賜玉具劍羽蓋車一駟中郎將持節衛護焉
九年益州郡徼外蠻及揮音檀國王雍繇調遣重譯奉

國珍寶帝賜金印紫綬小君長皆加印綬錢帛

安帝永初元年鮮卑大人燕荔陽詣闕朝賀鄧太后
賜以玉印綬赤車參駕

元初三年南單于右鹿蠡王湏沈擊零昌於靈州斬
首八百餘級封湏沈破虜侯金印紫綬賜金帛各有
差

永寧元年扶餘王遣嗣子尉仇台詣闕貢獻帝賜以
印綬是年揮國王雍繇調遣使詣闕朝賀獻樂及幻

人明年元會帝作樂於庭封雍繇調為漢大都尉賜
印綬金銀綵繒各有差

順帝永建六年日南徼外葉調便遣使貢獻帝賜調
便金印紫綬

陽嘉二年南匈奴骨都侯夫沈從匈奴中郎將王稠
出塞擊鮮卑破之詔賜夫沈金紫印綬及繡綵各有
差

永和元年扶餘王來朝帝作黃門鼓吹角抵戲以遣
之

漢安二年立呼蘭若尸逐就單于兜樓儲為南單于

兜樓儲先在京師天子臨軒大鴻臚持節拜授璽綬引上殿賜青蓋駕駟鼓車安車駙馬騎玉具刀劍什

物

玉具標首鐔衛盡用玉為之

給綵布二千匹賜單于閼氏以下

金錦錯雜具駢車馬二乘遣行中郎將持節護送單

于歸南庭詔太嘗大鴻臚與諸國侍子於廣陽城門

外

廣陽雒陽城西面南頭門

祖會享賜作樂角抵百戲

角抵之戲則龍魚爵

馬之屬言兩兩相當亦角而為抵對即今之鬪用古之角抵也

帝幸胡桃宮臨觀之

魏文帝黃初元年更授匈奴南單于呼厨泉衛璽授

賜青蓋車乘輿寶劍玉玦

三年鮮卑王步度根詣闕貢獻厚加賞賜

明帝景初二年倭女王卑彌呼遣大夫難升米牛利

等朝獻詔以難升米為率善中郎將牛利為率善較

尉假銀印青綬引見勞賜遣還并賜倭王金帛錦罽

刀鏡等物

事具外臣封冊門

齊王正始四年倭王遣使大夫伊聲耆掖邪拘等八

人上獻拜率善中郎將印綬

六年詔賜倭大夫難升米黃幢付郡假綬

宋文帝元嘉七年天竺加毗梨國王同愛遣使來奉

獻金剛指環摩勒金諸寶物赤白鸚鵡各一頭以其

使主竺扶為建威將軍

九年以吐谷渾慕容延爲平東將軍吐渾拾虔爲平北將軍吐渾耀伐爲鎮軍將軍

南齊武帝永明二年扶南王遣使那伽仙來獻方物詔曰那伽仙屢御邊譯頗悉中土闊狹令其具宣上報絳紫地黃碧綠紋綾各五匹

後魏孝文太和十五年高麗王璉卒帝爲璉舉哀於城東行宮

宣武永平三年十二月詔於青州立高麗廟

孝莊達義元年詔蠕蠕主阿那瓌讚拜不名上書不稱臣

後周武帝時突厥自俟斤以來其國富彊立而旣與之和親歲給繒絮綿絲十萬段突厥在京師者又待以優禮衣錦食肉嘗以千數

隋高祖開皇初突厥沙鉢略奉表稱臣帝下詔肅告邠廟傳頌天下自是詔答諸事並不稱名以異之其妻可賀敦周千金公王賜姓楊氏緡之屬籍改封大義公主

七年正月先是突厥沙鉢略獵於嘗代之間還至紫河鎮其牙帳爲火所燒沙鉢略惡之月餘而卒至是帝爲廢朝三日遣太嘗予祭焉贈物五千段其弟處

羅侯立帝賜之鼓吹旗鼓

十年突厥意利彌豆啓民可汗染干賜來朝射於武安殿選善射者十二人分爲兩朋啓民曰臣孫長孫大使得見天子今日賜射願入其朋許給晟箭六隻發皆入鹿啓民朋竟勝時長孫晟持節護突厥也

煬帝大業三年幸榆林突厥啓民可汗來朝賜物三千段乃御千人大帳享啓民及其部落酋長三千五百人賜物二十萬段其下各其差復下詔曰德合天地覆載所以弗遣功格區寓聲教所以咸泊至於梯山航海請受正朔襲冠解辮同被臣民是故王會納

貢義彰前冊呼韓入臣待以殊禮突厥意利珍寶啓民可汗志懷沈毅世修藩職往者挺身違難拔足歸仁先朝嘉此欵誠授以徽號資其甲兵之衆收其破滅之餘復祀於旣亡之國繼絕於不平之地斯固施煦亭育澤漸要荒者矣朕以薄德祇奉靈命思播遠猷光融令緒是以親巡朔野撫寧藩服啓民深委誠心入奉朝覲其種落拜首軒墀言念丹欵良以嘉尚宜隆榮數式優嘗典可賜路車乘馬鼓吹幡旗贊拜不名位在諸侯王上帝親巡雲內泝金河而東北幸啓民所居啓民奉觴上壽跪伏甚恭帝大悅賦詩曰

鹿塞鴻旗駐龍庭翠輦迴氈帷望風舉穹廬向日開
呼韓頓顙至屠耆接踵來索辮孽羶肉韋鞬獻酒杯
何如漢天子空上單于臺帝賜啓民及公主金甕各
一及衣服被褥錦綵特勒以下各有差啓民仍扈從
入塞至定襄詔令歸藩

四年四月突厥啓民可汗朝於東都禮賜益厚又詔
曰突厥意利珍豆啓民可汗率領部落保附關塞遵
奉朝化思改戎俗頻入謁覲屬有陳請以氈墻毳幕
事窮荒陋上棟下宇願同北屋誠心懇切朕之所重
宜於萬壽戍置城屋其帷帳牀褥以上隨事量給務

從優厚稱朕意焉是年疾終帝爲廢朝三日

二年六月高昌王吐屯設來朝帝御觀風行殿盛陳
文物奏九部樂魚龍曼延宴於殿上以寵異之其蠻
夷部列者三十餘國

八年突厥處羅從征高麗賜號爲曷薩那可汗賞賜
甚厚

唐高祖武德元年十月戊寅譙突厥使者奏九部樂
於庭引骨吐祿特勒升御坐以寵之
十二月西突厥曷娑那可汗自字文化及所來降帝
爲之興引升御坐賜以酒食

二年六月己酉突厥始畢可汗卒遣使來告帝舉哀于長樂門賻物三萬段

三年正月甲午宴突厥奏九部樂於庭賜綵有差

五月庚午宴突厥使奏九部樂於庭賜帛各有差

七年七月戊戌交州首領來朝奏九部樂以宴之賚物各有差

八年四月己丑宴西藩突厥林邑使者奏九部樂於庭

太宗貞觀元年西突厥統葉護爲伯父所殺帝聞統葉護之死甚悼之遣賚玉帛至其死所祭而焚之會

其國亂不果至而止

三年正月辛亥契丹渠師來朝賜之鼓纛

五年十月己酉順州都督北平王阿史那什鉢苾卒

帝舉哀於永安門賻贈甚厚詔中書侍郎岑文本爲

立碑什鉢苾始畢可汗之子初與頡利有隙故來奔

帝禮之甚厚

是月霽大會侯斤多濫曷末率所部與迴紇俱來朝

見拜右驍衛大將軍燕都督

六年八月賜西突厥莫賀設鼓纛綵萬段

八年正月癸未右衛大將軍阿史那啍苾卒卽頡利

可汗也詔其國人葬之從其俗禮焚屍於灞水之東
贈歸義郡王謚曰荒葬事所須隨用供給其舊臣胡
祿達官吐渾邪自刎以殉渾邪者頡利之母娑施氏
之媵臣也頡利初誕以付渾邪至是哀慟而死帝聞
而異之贈中郎將仍葬於頡利墳側詔中書侍郎岑
文本製頡利及渾邪之事以紀之

六月戊午右衛大將軍懷德王阿史那蘇尼失卒帝
舉哀於大猷門

十四年十二月乙卯高麗長子桓權來朝遣職方郎
中陳大德迎勞於柳城

十六年十月庚子宴諸蕃使於兩儀殿帝謂沙鉢羅
俟斤曰延隋本一部落俟斤本我所立始十餘年自
筭何如頡利之衆而侵我邊疆我纔發甲騎傾其部
落爾欲與我爲寃不過欲費我邊境十羊五馬耳今
見爾遣使謝罪捨爾前過情好如初宴罷賜帛各有
差

十一月甲申帝爲高麗王高武舉哀於苑中詔贈物
三百段遣使持節往弔祭焉

二十一年正月鐵勒廻紇侯利絃等諸姓並同詣闕
朝見帝親賚其緋黃瑞錦及襍領袍鐵勒等覩而驚

駭以爲未嘗聞見捧戴拜謝盤卧於塵埃中及還蕃帝御天成殿陳十部樂而遣之

二十二年四月西突厥賀魯以王師問罪龜茲固請前驅願爲鄉導仍以數十騎馳來謁帝詔授以崑丘道行軍總管宴之於嘉壽殿文武三品畢景甚歡錫賀魯綾絲仍解所服之衣以賜之

八月以廻鶻忠武將軍兼大侯斤俱羅勃吞莫賀咄拔回折爲右武衛大將軍

十月甲戌以廻紇吐迷度子前左屯衛翊衛左郎將婆聞爲左驍衛大將軍大侯斤利發使持節廻紇部

落諸軍事渤海都督

十二月新羅國其相伊贊於金春秋及其子文玉來朝帝遣光祿卿柳亨持節郊勞之既至以春秋爲特進文王爲左武衛將軍春秋仍請改其章服以從中製於是內出珍服賜春秋等令府給其將從二十三年二月癸巳特進新羅金春秋還國令三品已上宴餞之優禮甚備

高宗貞觀二十三年六月卽位七月于闐國王伏闕信來朝拜右衛大將軍又授其子葉護玷爲右驍衛將軍並賜金帶錦袍布帛六千段并宅一區留數月

而遣之因請留子弟以備宿衛太宗葬昭陵刻石像其形列於玄闕之下

永徽元年五月寶王吐蕃贊府薨帝舉哀於光化門遣右武侯將軍鮮于濟賫璽書往弔祭之

顯慶五年九月鮮定方降百濟王義慈以獻數日病卒贈金紫光祿大夫衛尉卿特許其舊臣赴喪仍葬於孫皓陳叔寶墓之側官爲立碑

是年新羅王金真德卒帝爲舉哀於永光門使太嘗丞張文收持節弔祭之賜開府儀同三司仍賜綾綵二百段

龍朔元年九月特進新羅王金春秋薨帝於雒城門舉哀遣使持節往弔之

則天聖曆二年十月吐蕃首領贊婆至遣羽林飛騎郊外迎之庚戌宴贊婆於武威殿極歡而罷

中宗神龍元年七月吐蕃大首領贊普卒帝爲之舉哀廢朝一日

景龍二年十二月丙申宴堅昆使于兩儀殿就其家弔焉

四月己亥右衛大將軍員外置同正員濠池都護十姓可汗阿史那懷道加特進祿料並依品給

六月丙寅吐蕃使宰相尚欽藏及御史名悉獵來獻
賜一書帝御承天門樓命有司引見置酒於殿內享
之

七月丙辰突厥鼠尼施首領叅有及突騎施領賀勒
哥羅來降命有司宴之各賜帛五十疋

十月庚辰宴新羅使于內殿勅宰臣及四品已上清
官預焉胡祿屋二萬帳詣北庭內屬勅郭虔瓘存恤
遣使賚紫袍金銀帶等二百餘事錦帛二萬段以賜
之

十二月壬戌沙陁金山等來朝宴于內殿

二年正月戊申突厥葛邏祿下領裴達于來降授果
毅兼葛州長史借紫金魚袋放還蕃

三月乙丑突厥支匭忌等來朝帝親臨宴賜綵繡金
銀器物錦等有差語之曰胡祿屋大首領軍衛將軍
員外置支匭忌卿兩庭種落萬里歸降因變取通背
逆從順旣披誠節宜立功勳遠自邊隅來朝闕下言
念忠款朕甚嘉之卿等旣欲還蕃令宜坐飲務盡歡
暢

六月丁巳林邑國遣使來朝授其使右領軍衛員外
將放還蕃

八月丙辰高麗吐渾等儲蕃降附制曰天亡驕子胡
運其終國有忠臣漢封斯在高麗王莫離支高文簡
都督跌跌思大吐渾大首領刺史慕容道奴郁射施
大首領鶻屈利斤大首領刺史苾悉頡力高麗大首
領拱毅等或遼海貴族或陰山龍子智則能永權而
善謀從事本蕃頡頏高位料逆順之道知變通之節
或誓以沉族或讎然庇身共驗郅支之亡遂觀繇余
之久將軍遇毅永罷射鶻使者迎降果聞乘傳棄塞
苦之地就陽和之澤爾其誠哉朕實休之宜開土宇
之封或盛壇場之制文禮文簡可封遼西郡王食邑

三千戶行左衛大將軍員外置同正員賜宅一區馬
四匹物六百段跌跌思大可特進行右衛大將軍員
外置兼跌跌都督封樓煩國公食邑三千戶賜宅一
區馬三疋物五百段道奴可左威衛將軍員外置兼
刺史封雲中郡開國公食邑二千戶賜宅一區物四
百段馬二疋鶻屈頡斤可左驍衛將軍員外置兼刺
史封陰山郡開國公食邑二千戶賜馬兩疋物二百
段苾悉頡力可左武衛將軍員外置兼刺史封鴈門郡
開國公食邑二千戶賜馬兩疋物四百段宅一區拱
毅可左領軍衛將軍員外置兼刺史封平城郡開國

公食邑二千戶賜馬兩疋物四百段屈鶻頡川妻契
苾賜物一百五十段手力二人各賜物五十段

十月己未授北蕃投降九姓思結都督磨散爲左威
衛將軍大首領斛薛移利殊功爲右領軍衛將軍契
都督邪沒施爲右威衛將軍匄利羽都督莫賀突默
爲右驍衛將軍首領延隨薛渾達都督爲右威衛將
軍奴賴大首領前自登州刺史奴賴孝爲左領軍將
軍跌跌首領刺史裴艾爲右領軍並員外置依舊兼
刺史賜紫袍金帶魚袋七事綵帛各三百段放還蕃
四年三月丁亥新羅遣其臣金楓厚來賀正授員外

即放還蕃

四月辛亥突厥俾失州大首領伊羅友闕頡斤十囊
來降封其妻阿史那氏爲鴈門郡夫人以向化寵之
也

七月戊子大食國黑密牟尼蘇於漫遣使獻金線織
就寶裝玉灑地瓶各一授其使員外中郎將放還蕃
九月甲戌蠻大首領洪光乘等五人來朝並授員外
郎將特留宿衛

閏十二月東蕃遠蕃靺鞨部落涅部勃律國皆遣
大首領來朝並賜物三十段放還蕃

五年四月甲戌進封奚饒樂郡王李大酺妃固安縣主辛氏爲固安公主

五月壬子天竺國遣使來朝詔曰中天竺國大首領大野迷地羅梵摩寺殊那慕德重譯來朝是加褒獎用益誠心可殺部尉賜緋袍銀帶放還蕃

六月丙子文單國真臘國朝貢使還蕃並降璽書及帛五百疋賜國王文單直臘皆南方小國也嘗奉正朔職貢不絕帝嘉之故有是寵

七月己亥突厥遣使獻馬授其使郎將放還蕃降書喻之曰皇帝敬問突厥可汗使人他滿達于至所言

堅昆使來及吐蕃使不願入漢并奚契丹等俱知之朕於西夷亦信而已來無所拒去無所留可汗好心遠申委曲深知厚意今附銀胡瓶盤及雜綵七十疋至可領取

十月丁卯日本國遣使朝貢戊辰勅曰日本國遠在海外遣使來朝旣涉滄波兼獻邦物其使真人莫問等宜以今月十六日於中書宴集乙酉鴻臚寺奏日本國使請謁孔子廟堂禮拜寺觀從之仍令州縣金吾相知簡較搦提示之以整庶湏作市買非違禁入蕃者亦容之

十一月丙申契丹李失活來朝詔勞之曰卿等累覃
那化多歷年所城池郡邑寇蓋相望徃緣邊收非任
遂令卿等失業念彼雄藩鞠爲茂草今卿等削摧異
俗歸誠本朝頗獻封章益明忠款克復州鎮宛如平
昔失活將尚公主承爲藩臣入拜闕庭良深慰喜卿
等涉路遠來得平安好否近屬節假不得早與卿相
見且同曹司安置待後進止

六年正月壬寅奚王李失活永樂公主還蕃命有司
加等祖餞其私覲物六千段

二月戊午契丹新羅米國石國靺鞨錢利靺鞨涅蕃守

並遣使來朝各授守中郎將還蕃

五月戊午契丹部落孫骨訥等十八人內屬並授遊
擊將軍賜緋袍銀帶留宿衛甲子以契丹松漠都督
李失活卒帝深加憫悼親爲舉哀使使弔祭乙酉追
贈特進賻物二千段仍令左武衛將軍李毗持節充
使弔祭營州都督宋慶禮簡較喪葬

七年正月乙未封遼西郡王高文簡妻阿史那氏爲
遼西郡夫人文簡東蕃酋長率衆歸我故有是寵丙
申波斯國遣使獻方物新羅遣使來賀正拂涅靺鞨
越嘉靺鞨並遣使來朝各賜帛五十疋

二月丁未投降突厥延隨磨覽死贈中郎將依蕃法葬

三月壬子帝御丹鳳樓宴九姓同羅及契丹各賜一百段小妻主友三十段

四月己卯訶毗施國王捺塞使吐火羅大首領摩婆羅獻獅子及五色鸚鵡帝以其遠來脩貢加宴勞賜錦綵五百疋

五月丁酉新羅遣使來朝卒于路贈大僕卿賻絹五百疋

六月丁卯靺鞨渤海郡王大祚榮卒贈特進賜物五

百段遣左監門率上柱國吳思謙攝鴻臚卿持節充使弔祭戊辰吐蕃遣使請和大享其使因賜其束帛修用前好以雜綵二千段賜贊普五百段賜贊普祖母四百段賜贊普母二百段賜可敦一百五十段賜空達延一百三十段賜論乞力徐一百段賜尚贊咄及大將軍大首領各有差皇后亦以雜綵一千段賜贊善七百段賜贊善祖母五百段賜贊普母二百段賜可敦

七月甲申河西經略副大使兼赤水軍使左金吾衛大將軍員外置同正員廻紇伏帝匍卒贈特進賜帛

三百段遣中使弔祭

十一月壬申松漠郡王李娑固宴與公主俱來朝命有司借宅給食巳未宴于內殿賜物一千五百段錦袍鈿帶魚袋七事

八年正月巳巳契丹遣蕃中郎將張少免俱等三百五十四人來朝並授遊擊將軍果毅都尉賜緋袍銀帶物各二千段放還蕃

二月乙卯護密國王羅施伊俱骨咄祿多比勒莫賀咄達摩薩爾爲護密王賜紫袍金帶七事並雜綵五十疋

八月丁丑勅中書門下南天竺王遠遣朝貢其使却還並頌周旋發遣令滿望乃以錦袍金帶魚袋七事賜其使遣之

九年六月丁酉制曰念功之典書有明訓贈終之數禮著彝式党項大首長故右監門衛將軍員外置同正員使持節達洹等一十二州諸軍事兼靜邊州都督仍充防禦部落使拓跋思泰頃者戎醜違命爰從討襲躬親矢石奮其忠勇方申剪馘之勳俄軫喪元之痛壯節彌亮美名可嘉宜崇寵章俾慰泉壤可增特進兼左金吾衛大將軍賜物五百段米粟五百石

仍以其子守寂襲其官爵

十一月己酉渤海郡靺鞨大首領鐵利大首領拂涅大首領契丹蕃郎將俱來朝並拜折衝放還蕃

冊府元龜

淮南李嗣京奏閱

西極文翔鳳訂正

豫章黃國琦較釋

外臣部 二十

褒異第三

唐玄宗開元十年正月壬子蠻大酋長張化誠大酋望揚大充並來朝以化誠為左領軍衛員外將軍放還蕃以大充為右驍衛翊府員外中郎將留宿衛三月丁卯突厥騎施大首領葛邏昆池等八人來朝

並授將軍賜紫袍金帶放還蕃

四月丁酉契丹首領松漠府都督李鬱于爲松漠郡王奚首領饒樂府都督李魯蘇爲饒樂郡王各賜物一千匹銀器七十事及錦袍鈿帶等

五月戊午突厥遣大首領阿史德瞰泥熟來求和授右驍衛大將軍負外置放還蕃

閏五月癸巳黑水酋長親屬利稽來朝授勃州刺史放還蕃勃蕃中州也

七月甲戌契丹遣使大首領楷落來朝授郎將放還蕃丙子奚遣其兄奴默俱及聶鑠高來朝皆授將軍

賜紫袍銀細帶金魚袋留宿衛

九月己巳大拂涅靺如價及鐵利大拂涅買取利等六十八人來朝並授折衝放還蕃突厥大首領可還拔護他蒲達干來朝授將軍放還蕃堅昆大首領伊悉鉢舍友者畢施頡斤來朝授中郎將放還蕃

十月己亥鐵利靺鞨可婁計來朝授郎將放還蕃十一月辛未渤海遣使其大臣味勃計來朝并獻鷹

授大將軍賜錦袍金魚袋放還蕃十二月戊午黑水靺鞨大酋長倪屬利稽等十人來朝並授中郎將放還蕃

十一年三月辛巳北庭十姓大首領沙羅烏卒來朝授郎將放還蕃

四月己未吐蕃首領張其松來降授員外鎮將留宿衛奚首領李日越等來朝授員外折衝留宿衛

七月戊辰突厥大首領阿史那瑟鉢達于等三十二人來朝授瑟鉢達于大將其屬並授郎將放還蕃

十一月甲戌突厥遣其大臣可邏拔護他蒲庭于來朝授將軍紫袍金帶放還蕃堅昆大首領俱力貧賀

忠頡斤來朝授郎將放還蕃越喜靺鞨勃施計拂涅靺鞨朱施蒙鐵利靺鞨倪處梨俱來朝並授郎將放

還蕃

十二年二月丙申鐵利靺鞨濕池蒙來朝授將軍放

還越喜靺鞨奴布利等十二人來朝並授郎將放還蕃兀部落佐破等十一人來朝並授果毅放還蕃拂

涅靺鞨大首領魚可蒙來朝授郎將放還蕃乙巳奚遣大首領李奚奴等十人來賀正渤海靺鞨遣其臣

賀祚慶來賀正新羅遣其臣金武勳來賀正勃律遣大首領蘇磨羅來賀正並進階游擊將軍各賜帛五

十疋放還蕃丙辰黑水靺鞨大首領屋作箇來朝達莫婁大首領諾皆諸來朝並授折衝放還蕃丁巳契

丹遣使涅禮來賀正并獻方物授將軍賜綵一百疋
放還蕃

三月癸酉遣使齎絹綿八萬段分賜奚及契丹勅曰
公主出降蕃王本擬安養部落請入朝謂深慮勞煩
朕知割恩抑而未許思加殊惠以慰遠心奚有五部
落宜賜物三萬段其中取二萬段先給征行遊弃兵
及百姓餘一萬段與東光公主饒樂王衙官刺史縣
令契丹有八部落宜賜物五萬段其中取四萬段先
給征行遊弃兵士及百姓餘一萬段與燕公主松漠
王衙官刺史縣令其物雜以絹布務令均平給訖奏

關

五月辛酉新羅賀正使金武勳還蕃上降書謂新羅
王金興光曰卿每承正朔朝貢闕庭言念所懷深可
嘉尚又得所進雜物等並踰越滄波跋涉草莽物既
精麗深表卿心今賜卿錦袍金帶及絲素共二千疋
以答誠獻至宜領也乙酉鐵利來朝並授折衝放還
蕃松漠府契丹還使來朝饒樂府奚遣使獻麝香並
授折衝放還蕃

七月壬戌突厥遣使哥解頡利發獻方物求婚宴于
朝堂賜帛五十疋丁丑尸利佛誓國王遣使俱摩羅

獻侏儒二人價耆婦女一人雜樂人一部及五色鸚鵡授摩羅折衝賜帛一百疋放還蕃

八月庚子制曰尸利佛誓國三尸利陀羅拔摩遠修職貢載勤忠款嘉其乃誠宜有褒賜可遣授左威衛大將軍賜紫袍金鈿帶

十二月辛卯突厥遣使裴啜羅來朝授郎將還蕃戊午突厥遣其大臣阿史德瞰泥熟來朝授將軍賜紫袍金帶魚袋放還蕃

十三年正月辛丑契丹奚遣使來賀正旦獻方物並授中郎將賜紫袍銀鈿帶放還蕃黑水靺鞨遣其將

五郎子來賀正且獻方物授將軍賜紫袍金帶魚袋放還蕃丙午大食遣其將蘇黎等十二人來獻方物並授果毅賜緋袍銀帶放還蕃

三月丙午鐵利靺鞨大首領封阿利等一十七人來朝越喜靺鞨苾利施來朝黑水靺鞨大首領烏素可蒙來朝佛涅靺鞨薛利蒙來朝並授折衝放還蕃四月甲子渤海首領謁德黑水靺鞨諾箇蒙來朝並授果毅放還蕃

五月渤海王大武毅之弟大昌勃價來朝授左威衛員外將軍賜紫袍金帶魚袋留宿衛黑水部落職紇

蒙等二人來朝授中郎將賜紫袍銀帶金魚袋放還蕃

七月戊申波斯首領穆沙諾來朝授折衝留宿衛突厥首領采施裴羅來朝授折衝放還蕃

十四年正月壬午突厥遣其大臣臨河達十康思琮來朝授將軍放還蕃丙午奚御史郡王父李經進位右武衛員外大將軍及奚翳水州刺史李高進階鎮軍大首領曰走等二百餘人並授郎將及契丹衙官執蘇進階鎮軍大將軍契丹縣令屬固家進位右領軍員外大將軍契丹部落寃離等百餘人並授郎將

各賜紫袍放還蕃以陪位泰山脩行賞之典也乙亥突騎施可汗遣首領阿句支來獻馬授中郎將放還蕃突厥遣首領跌跌裴啜等七千餘人來朝並授折衝放還蕃辛亥突厥遣使執失頡利發等三百餘人來賀東封並授果毅放還蕃

三月丙戌契丹遣其臣邵固來朝授郎將放還乙酉渤海靺鞨王大都利來朝

四月癸丑契丹遣大首領李潤池等六人來朝皆授折衝留宿衛乙丑渤海靺鞨王大都利來朝授左武衛大將軍員外置留宿衛勃羅遣使金忠臣來賀正

賜帛百疋放還蕃

五月戊子新羅遣其弟金欽質來朝授郎將放還蕃

乙未契丹部落刺史普固都及將軍顯歌皆獻戎捷

授固都將軍顯奇郎將各賜帛百疋放還蕃

六月甲寅奚遣阿布高來朝授中郎賜紫袍金魚袋

放還蕃

七月癸卯丹部落刺史出利縣令蘇固多等來朝授

出利將軍固多郎將並放還蕃

十一月己卯吐火羅遣使持健來朝授中郎將賜紫

袍金魚袋己亥突厥遣其大臣梅祿瓘來朝授將軍

賜紫袍金鈿帶放還蕃

十五年正月壬午笮州大首領鄧封獎白州大首領

董芳檐並來朝咸授折衝放還蕃辛卯新羅遣使來

賀正授奉御賜緋袍銀帶魚袋放還蕃

二月辛亥鐵利靺鞨米象來朝授郎將放還蕃羅和

異國大城主郎將波斯阿拔來朝賜帛百疋放還蕃

因遣阿拔齋詔書宣慰于佛誓國王仍賜錦袍鈿帶

及薄寒馬一匹

三月丁酉契丹遣首領諾括來送質子并獻方物授

郎將放還蕃

四月丁未勅曰渤海宿衛王子大昌勃價及首領等
久留宿衛宜放還蕃庚申封大昌勃價襄平縣開國
男賜帛五十疋首領已下各有差先是渤海大王武
藝遣男利行來朝并獻貂鼠至是乃降書與武藝慰
勞之賜綵練一百疋

六月乙丑瀚海大首領康移棧廼來朝授左領軍衛
將軍賜紫袍銀鈿帶金魚袋放還蕃

十一月己酉契丹大首領承嗣來朝授中郎將放還
蕃丙辰鐵利靺鞨首領失伊蒙來朝授果毅放還蕃
十六年二月庚午奚質子右領軍衛將軍李如越卒

制贈左驍衛大將軍官造靈輦給通還奚

三月戊申金蒲州都督沙陀輔國之母鼠尼施氏封
爲鄯國夫人辛亥大食首領提卑多等八人來朝並
授郎將放還蕃

四月己巳護密國王遣米國大首領米忽汗來朝且
獻方物授將軍賜紫袍金帶放還戎

癸未渤海王子留宿衛大都利行卒贈特進兼鴻臚
卿賜絹三百疋粟三百石命有司弔祭官造靈輦歸
蕃壬申蠻大首堅洪充垂來朝授中郎將留宿衛

七月丙辰新羅金興光使從弟金嗣宗來朝且獻方

物授果毅留宿衛

八月丁丑契丹廣化王李邵固遣其子諾括來朝授大將軍賜紫袍金帶放還蕃奚大首領特没于來朝授中郎將賜紫袍金帶放還蕃

巳卯突厥大首領屈達于來朝授將軍放還蕃

九月壬寅突厥大首領葛邏祿伊難如裴等來朝並授中郎將賜紫袍金帶放還蕃渤海靺鞨於夫須計來朝授果毅放還蕃

十月丁丑勃律大首領吐毛擔沒師來朝授折衝賜紫袍金帶放還蕃奚首領李窟何來朝授左威衛將

軍賜紫袍金帶放還蕃丙戌吐蕃莽悉曩等來朝授鎮將賜緋遣之

十一月乙酉右羽林軍大將軍兼安西副大都護四鎮節度等副大使謝知信卒贈涼州都督賻物五百段官造靈輦給遞還鄉

十七年正月庚戌骨咄俟斤遣男骨都施來朝獻馬二疋授郎將賜帛三十段放還蕃甲寅米國遣獻胡旋女子三人及豹子各一賜帛百疋以遣之

三月甲子渤海靺鞨王大武藝使其弟大胡雅來朝授游擊將軍賜紫袍金帶留宿衛

三月壬寅護密國大首領烏鶻達于來朝吐火羅葉
護骨咄國並遣使來朝癸卯渤海靺鞨遣使獻鱒魚
賜帛二十疋遣之巳巳奚及契丹遣使來朝皆賜紫
袍金帶放還蕃

五月壬寅契丹遣衙前將軍粹來朝授懷化大將軍
賜紫袍金帶放還蕃

六月癸丑突騎施大首領葉支阿布思來朝授郎將
賜紫袍金帶魚袋

八月丁卯渤海靺鞨王遣其弟大琳來朝授中郎將
留宿衛

九月乙未大食國遣使來朝且獻方物賜帛百疋放
還蕃

十八年正月戊寅吐蕃靺鞨遣其弟大郎雅來朝賀
正獻方物波斯國王及新羅國王各遣使來朝賀正
各賜帛有差壬子大佛涅靺鞨兀異來朝獻馬四十
疋授左武衛折衝賜帛三十疋留宿衛

二月甲戌新羅國王金興光遣姪志蒲獻小馬五疋
狗一頭金二千兩頭髮八十兩海豹皮十張乃授志
蒲太僕卿員外置同正員絹一百疋紫袍銀鈿帶魚
袋留宿衛戊寅突厥遣使哥解骨支車鼻額斤來朝

獻方物渤海靺鞨遣使智蒙來朝且獻方物馬三十疋授中郎將賜絹二十疋緋袍銀帶放還蕃

四月戊戌米國石國吐蕃突厥各遣使來朝貢並賜帛有差放還蕃

五月戊申契丹遣使獻馬十二疋賜帛放還蕃巳酉渤海靺鞨遣使烏那達利來朝獻海豹皮五張貂鼠

皮三張馬瑙盃一馬三十匹授以果毅賜帛放還蕃壬午黑水靺鞨遣使阿布思利來朝獻方物賜帛放

還蕃
六月戊午黑水靺鞨大首領倪屬利稽等十人來朝

並授中郎將放還蕃

九月乙丑靺鞨遣使來朝獻方物賜帛放還蕃

十月庚戌新羅國遣使來朝貢獻方物賜帛有差甲寅護密國王羅真擅來朝獻方物賜帛兼袍銀鈿帶

留宿衛

十一月甲子波斯首領穆沙諾來朝獻方物授折衝留宿衛丁卯突厥首領米旅裴羅來朝授折衝放還蕃壬申契丹奚遣使來朝且獻方物賜帛放還蕃

十九年二月辛丑室韋遣使賀正授將軍放還蕃癸卯遠蕃靺鞨遣使賀正授將軍放還蕃戊午新羅遣

其臣金志良來賀正授太僕少卿員外置賜帛六十匹放還蕃降書與新羅金與光日所進牛黃及金銀等物省表具知卿二明慶祚三韓善鄰時稱仁義之鄉代著勳賢之業文章禮樂聞君子之風納款輸忠効勤王之節固蕃維之鎮衛諒中外之儀表豈殊方悍俗可同年而語耶加以慕義克勤述職愈謹梯山航海無倦於阻脩獻幣貢琛有嘗於歲序守我王度垂諸國章乃眷懇誠深可嘉尚朕每晨興佇念宵衣待賢想見其人以光啓沃俟卿觀止允副所懷今使至知嬰疾苦不遂祇命言念遐濶用增憂勞時候暄和想痊復也今賜卿綵綾五百疋帛二千五百疋宜即領取已未渤海靺鞨遣使來朝正授將軍賜帛一百疋還蕃

壬申突厥遣其大首領哥解骨支比施頡斤等五十人來朝並授折衝賜帛五十疋放還蕃
四月辛巳突厥可汗弟闕特勒卒帝降書弔之曰皇帝問突厥苾伽可汗國家惠綏黎蒸保乂函夏無有遠邇思致和平俾有厥休共登仁壽之域既罹于咎豈忘匍匐之救况可汗久率忠順屢通款誠既和好克脩固災患是恤今聞可汗闕特勒沒喪良用撫然

想友愛情深家國任切追念痛惜何可為懷今申弔
賻并遣致祭諭意旨薦茲禮物

是年十一月詔金吾將軍張去逸都官郎

中呂向賈璽書入戎弔并為立碑文
帝自為碑文廟仍立祠刻石為像

六月甲午突厥大首領蘇農屈達于來朝授郎將賜
帛五十疋放還蕃

十月癸巳突厥遣其大臣蘇農出羅達于等二十四
人來朝並授郎將各賜帛六十疋放還蕃領西室韋
遣使來朝賜帛五十疋放還蕃渤海靺鞨王其大姓
取珍等百二十人來朝並授果毅各賜帛三十疋放
還蕃

二十一年正月壬子奚國義王遣其首領伽蘇等來朝
並授將軍賜帛有差放還蕃庚申新羅遣使賀正奚
遣使賀正並授郎將賜帛有差放還蕃

二月癸巳突厥首領烏鶻達于來朝賜帛二十疋放

還蕃

三月壬戌西南蠻蒙崇先來朝授郎將賜帛三十匹
放還蕃室韋大首領薛勃海恍來朝授郎將賜帛五
十疋放還蕃

七月庚子突厥可汗堂弟阿支監察來朝授將軍放
還蕃

八月庚戌波斯王遣首領潘那蜜與大德僧及烈來朝授首領為果毅賜僧紫袈裟一副及帛五十疋放還蕃

二十一年正月庚申命太僕卿員外置同正員金思蘭使于新羅思蘭本新羅之行人恭而有禮因留宿衛及是委以出疆之任且便之也

三月乙卯突厥遣使斯璧紆思鮮闕等十六人來朝並授郎將賜帛六十匹放還蕃

閏三月辛卯箇失密王木多筆遣大德僧物理多年來獻表詔引物理多年冥于內殿賜絹五百疋數日

放還蕃

四月壬戌孛首領屬鶻留來朝授果毅賜絹四十疋留宿衛突厥大使烏鶻達干來朝宴于內殿授將軍賜帛一百疋放還

八月甲辰骨咄王遣大首領如達干來朝授郎將放還蕃

九月丙子護密國真檀來朝宴于內殿授左金吾衛將軍負外賜紫袍帶魚袋等七事及帛百疋放還蕃
戊寅突厥遣其大臣牟伽難達干等十二人來朝並授郎將賜綵六十疋放還蕃

十二月乙未新羅王興光遣姪志廉來朝謝恩也初
帝賜興光白鸚鵡雄雌各一隻及紫羅繡袍金銀銅
器物瑞文錦五色羅綵共三百餘段興光表曰伏惟
陛下執象開元聖文神武應千齡之昌運致萬物之
嘉祥風雲所通咸承至德日月所照共被深仁臣地
隔蓬壺天慈洽遠鄉睽華夏睿澤覃幽伏觀瓊文跪
披玉匣含九霄之雨露帶五彩之鸞鸞辨惠靈禽素
蒼兩妙或稱長安之樂或傳聖主之恩羅錦彩章金
銀寶鈿見之者爛目聞之者驚心原其獻款之功實
繇先祖錫此非嘗之寵延及末孫微効若塵重恩如

岳循涯揣分何以上酬詔饗志廉內殿賜以束帛石
汗那王易米施遣大首領婆延達于來朝授中郎將
放還蕃癸丑大食王遣首領摩思覽達干等七人來
朝並授果毅各賜絹二十疋放還蕃

二十二年正月壬子新羅王興光大臣金端竭丹來
賀正帝於內殿宴之衛尉少卿員外賜緋襪袍平漫
銀帶及絹六十疋放還蕃

三月乙酉突厥遣其大臣斯壁紆思鮮闕來朝授左
金吾衛大將軍員外賜紫衣錦袍繡半臂金鈿帶魚
袋七事絹二百疋金銀器六事放還蕃癸丑西南蠻

大酋率蒙歸義遣使獻麝香牛黃降書慰勉賜絹二千疋雜綵二百疋衣一副以酬之

六月丙申林邑國遣使獻沈香賜帛三十疋放還蕃乙卯突騎施遣其大首領何羯達來朝授鎮副賜緋袍銀帶及帛四十疋留宿衛

十二月庚戌突厥毗伽可汗小殺為其大臣梅祿啜所毒而卒帝悼之輟朝三日勅曰情義所在禮固隨之豈限華夷唯其人耳突厥毗伽可汗強者雖處絕域皆以臣子事朕聞其永逝良用悼懷務廣宿恩以制禮宜令所司擇日舉哀甲寅於雒城南門舉哀

命宗正李佺申弔祭焉

二十三年二月癸卯新羅賀正副使金榮死贈光祿少卿契丹蕃中郎可突于死贈左衛將軍

四月甲午勃律國大首領拔舍伽來朝授郎將賜帛五十疋放還蕃辛丑突厥首領觸木日昆默達干等四十二人來朝並賜緋袍銀帶放還蕃

閏十一月壬辰新羅王遣從弟大阿殮金相來朝死于路帝深悼之贈衛尉卿

十二月巳卯契丹遣使渴胡等來朝授果毅留宿衛二十四年三月乙酉渤海靺鞨王遣其弟蕃來朝授

太子舍人員外賜帛三十疋放還蕃辛卯突厥首領
薩合朱來降授折衝員外置借緋魚袋留宿衛

八月甲寅突騎施遣大首領胡祿達于來求和許之
宴于內殿授右金吾將軍員外置賜錦衣一副帛及
綵一百疋放還蕃

九月丁丑封工闐國王尉遲伏闐達室氏爲于闐妃
十一月癸酉靺鞨首領聿棄計來朝授折衝賜帛五
百疋放還蕃

二十五年正月甲午大佛涅靺鞨首領九異來朝授
中郎將放還蕃波斯王子繼忽娑來朝授中郎將放

還蕃

二月戊辰新羅國金興光卒先是二十二年以渤海
靺鞨寇登州興光發兵助討破以功遂授興光開府
儀同三司寧海使及卒帝悼惜久之贈太子太保遣
贊善大夫攝鴻臚少卿邢璣往其國行弔祭冊立嗣
子之禮帝親制詩序太子以下及百僚咸賦詩送璣
帝謂璣曰新羅號爲君子之國頗知書記有類中華
卿至彼宜闡揚經典使知大國儒教之盛又聞其多
善奕碁因令善碁人楊季應與璣等至彼大爲蕃人
所敬愛厚賂而還

四月丁未渤海遣其臣公伯計來獻鷹鶻授將軍放
還蕃

八月戊申渤海靺鞨大首領多蒙固來朝授左武衛
將軍賜紫袍金帶及帛一百疋放還蕃

二十六年二月癸丑吐火羅遣大首領伊難如達干
羅底縣來獻方物授果毅賜緋袍銀帶魚袋及帛三
十疋放還蕃

六月丁未党項鶻攬支來降授果毅借緋魚袋與隴
右節度驅使辛亥突厥遣大首領烏鶻達干來朝授
果毅放還蕃

七月庚寅突厥首領特賜莫賀咄頡斤來朝授左金
吾衛大將軍負外置賜錢錦袍繡半臂及帛三百疋
放還蕃

二十七年二月丙子突厥大首領延陀俱末啜刺達
干來朝授將軍賜紫袍金帶放還蕃

二月丁未渤海王弟大勗進來朝宴于內殿授左武
衛大將軍員外置同正賜紫袍金帶及帛一百疋留
宿衛十月乙亥渤海遣使其臣優福子來謝恩授果
毅賜紫袍銀帶放還蕃

二十八年正月骨吐國大首領多攬達干彌鞬槎來

朝授果毅放還蕃

三月辛酉以突騎施部落處木昆訶延闕律啜爲右驍衛員外大將軍阿史那洪達爲太僕員外卿

三月癸卯册新羅國王金承慶妻金氏爲新羅王妃乙巳骨吐國遣大首領多博勒達干刺勿來朝命有司享之賜帛六十匹放還蕃

四月庚申吐蕃首領來歸賓等三人來降並授執戟留宿衛辛未册于闐王尉遲珪妻蔞氏爲于闐王妃

七月乙巳首吐國大首領多攬達干彌羯槎來朝授

果毅放還蕃

二十九年二月己巳渤海靺鞨遣其臣失阿利來賀正越喜靺鞨遣其部落烏舍利來賀正黑水靺鞨遣其臣阿布利稽來賀正皆授郎將放還蕃乙未婆羅門申天竺國王子承恩來朝授游擊將軍放還蕃四月丙寅突厥登利可汗死遣首領跌跌末思頡斤來告哀授頡斤果毅賜紫袍金帶放還蕃十二月丙申大食首領和薩來朝授左金吾衛將軍賜紫袍金鈿帶放還蕃

天寶元年正月丁巳石國王遣使上表乞授長男那

居車鼻施官詔拜大將軍賜一年俸料

六月丙申賜三姓葉護都磨度闕頡斤鐵券曰於戲善於國者賞必加焉自古哲王率繇是道咨爾三姓葉護左羽林軍大將軍員外置同正員咄祿叱加都磨度闕頡斤素稱驍悍兼蘊智謀當蘇祿之時雖力有所屈而懇誠之至乃朕則知元惡既除効勤彌亮果能率衆相與歸降斯盡節於朝廷且立功於疆場信義若此嘉尚良深是用授卿寵章榮彼蕃部今賜卿丹書鐵券傳之子孫永固河山有如日月可不慎歟

十月己卯投降吐蕃白拘國四品籠官蘇唐封及狗丹川五品籠官薛阿封等各賜紫袍銀細帶金魚袋及帛三十疋癸未托悉密可干大首領來朝賜錦袍金細帶魚袋及帛四十匹庚辰帝御花萼樓出宮女譙毗伽可汗妻可敦及男女等賞賜不可勝紀

二年正月丁卯契丹刺史副從之等一百二十人奚刺史達利胡等一百八十人並來朝冊勳皆授中郎將賜紫袍金細帶金魚袋放還蕃

二月己丑解蘇國阿德悉遣大首領車鼻施達于羅頓毅等二十人來朝且獻方物各授中郎將賜紫袍

金帶魚袋放還蕃

七月癸亥渤海王遣其弟蕃來朝授左領軍衛員外大將軍留宿衛

十二月乙巳新羅王遣弟來賀正授左清道率府員外長史賜綠袍銀帶放還蕃

三載七月癸酉封曹國王米國王康國王母可敦並為郡夫人

四載三月戊寅九姓首領回鶻思力裴羅及弟阿悉爛頡斤殺斬白眉可汗傳首京師授裴羅右驍衛員外將軍頡斤右武衛員外將軍策勳也

七月乙酉小勃律遣僧大德三藏伽羅密多來朝授右金吾衛員外中郎將放還蕃

八月戊申突厥伽可汗妻史氏內屬封賓國夫人仍每載賜錢百貫以充粧粉

五載十月癸巳三葛邏祿必伽葉護頓阿波移健噉遣使朝貢授葉護為左武衛大將軍員外置依舊在蕃其使賜二色綾袍金帶七事放還蕃

七載八月庚戌怛怛國遣使朝貢授將軍賜二色綾袍金帶魚袋七事放還蕃戊午勃律國王蘇失利芝及三藏大德僧伽羅密多並來朝授伽羅密多鴻臚

員外卿放還蕃賜蘇失利芝紫袍金帶留宿衛給官宅

八載八月乙亥護密國王羅真檀來朝請宿衛授左武衛將軍留宿衛景子十姓突騎施遣使來朝授中郎將賜錦袍金帶魚袋二事放還蕃

十月丁卯九姓勃曳固大毗伽都督默每等十人來朝並授特進賜錦袍金鈿帶魚袋七事放還蕃

十一載正月甲申米越長史密利稽來授右衛將軍放還蕃

二月丙申三葛邏祿遣使來朝賜錦袍金鈿帶魚袋

七事放還蕃

八月丙子迴鶻遣使來朝賜文武百官織帛有差

九月壬戌歸仁國遣使朝貢授中郎將賜紫袍金帶魚袋七事放還蕃

十二月己卯黑衣大食謝多訶密遣使來朝授左金吾衛員外大將軍放還蕃舍磨國寧遠國並遣使來朝皆賜錦袍金帶魚袋七事放還蕃

十二載七月辛亥黑衣大食遣大酋望二十五人來朝並授中郎將賜紫袍金帶魚袋放還蕃

九月辛亥文單國王子率其屬二十六人來朝並授

其屬果毅都尉賜紫金魚袋隨何履光于雲南征討
事訖聽還蕃甲寅葛邏祿葉護頓毗伽生擒阿布思
制授開府儀同三司封金山王依舊充葉護祿俸於
北庭給其葉護妻及母並封爲公國夫人

十二月丁亥護密國遣大首領朝貢賜錦袍金帶魚
袋七事事畢放還蕃

十二載四月丙戌突騎施黑姓可汗及黑衣人食吐
火羅右可汗郡俱位國並遣使來朝各賜帛有差放
還蕃丁亥寧國及九姓廻紇米國並遣使來朝各賜
錦袍金帶放還蕃

五月壬寅帝以葛邏祿葉護有擒阿布思之功特降
璽書曰卿歸心向化守節安邊嘗獻忠誠無失蕃禮
見不善如鷹鷂之逐鳥雀嫉爲惡似農夫之除蔓草
信義若此嘉歡良多阿布思負恩至深爲衆所棄卿
能爲擒獲送其形骸且此賊投卿本緣窮蹙苟欲延
命元非好心卿密察奸謀俾其就戮卿之智畧難可
比方又聞數男今見在彼種類既惡留用何爲儻蘊
習頑兇攬擾蕃落處置不及追悔無緣可宜送來絕
其後患卿今載已前俸祿並令京軍給於後慮其遠
遠任於北庭請受所請印信並譯語人官並依來奏

今則別有少物賜卿至宜領取

十四載三月丁卯隋拔國遣其王子自會羅來朝授右武衛員外中郎將賜紫袍金帶魚袋七事留宿衛康國王石國副王並遣使朝貢各授折衝都尉賜紫袍金帶魚袋七事放還蕃

四月癸巳以投降蘇毗王子悉諾邏為左驍衛員外大將軍封懷義王賜姓李名忠信其屬官賜各有差六月壬子以寧遠國王子竇薛裕為左武衛員外將軍賜金袍細帶魚袋七事放還蕃

册府元龜

終

册府元龜

淮南李嗣京參閱

西極文翔鳳訂正

豫章黃國璋校釋

外臣部 二十

褒異第三

唐肅宗至德二年正月廻紇大首領葛邏支將軍等來朝耻班在武臣之下他日帝親引上殿賜食并賜賚慰其意以遣之六月丁酉回紇首領大將軍多攬等十五人入朝賜食物衣有差閏八月戊寅廻紇葉

護太子入見帝親宴慰賜以金帛器物恣其所欲待之甚厚

十月己酉奚首領白越及契丹首領捺括等入朝賜食金帛錦繡衣服等使還蕃

乾元元年二月乙卯護密國王使大首領羅友文來朝加特進左武衛大將軍仍聽還蕃

四月庚申巋賓王藏般若力中天竺國婆羅門三藏善部末摩箇失密三藏舍部並募入朝詔以力爲太
官少卿末摩爲鴻臚少卿並員外置

五月壬申朔詔以吐火羅三藏山那及弟子達摩首領安延師等來詣闕以三藏爲光祿少卿達摩可折衝都尉延師可左清道率並員外置仍放還蕃又乾
陀羅國王使大首領中郎將踏匄勒特車鼻施遠千並授將軍放還蕃戊戌宴回紇使於紫宸殿

六月丙午回紇使達亥阿波刺史入朝迎公主詔授開府儀同三司七月癸未護密國王紇設伊俱臯施來朝帝嘉之賜姓李改名崇信

八月丁卯新羅國使來朝歸仁國使來朝並宴于紫宸殿

九月甲申回紇使大首領蓋將軍等謝公主下降無

秦破昆堅五萬人宴於紫宸殿賜物有差

十一月甲子迴紇使三婦人謝寧國公主之媵也賜宴紫宸殿

十二月黑衣跋陁國使伏謝多還蕃宴賜有差

二年三月甲申回紇王子骨咄特勒宰相帝德等十
五人自相州奔于西京帝宴之紫宸殿賞物有差唐
寅回紇特勒辭還行營帝宴之于紫宸殿賜物有差
乙未以回紇王子新除右羽林大將軍員外置骨咄
特勒爲銀青光祿大夫鴻臚卿員外置辛丑回紇多
害長吏等還蕃帝宴于紫宸殿賜物有差

八月壬戌十姓突騎施黑姓可汗阿多裴羅等并波
斯進物使李摩日夜等及寧遠國使葛等來朝並宴
於內殿

十二月戊申宴蕃胡柘羯於三殿各賜物三十段

三年正月乙酉宴奚使土門將軍賜金帛器物有差

四月壬辰隴右投降突厥奴刺德等五人於延英殿
見賜物有差癸巳迴紇俱錄莫賀達于等七十四人
於延英殿見賜物有差

上元元年八月巳卯回紇使二十人於延英殿通謁
賜物有差

代宗寶應元年五月丁未回紇演者裴羅等十人來朝引見于延英殿賜物有差

六月乙卯突厥奴刺部落千餘人內屬請討賊自效丁巳宴刺奴大首領于內殿賜物有差

八月己酉奚及契丹來朝宴于三殿

九月丙申以回紇可汗舉國兵馬至太原遣使奉表請助王師討平殘寇是日引其使宴于延英殿賜物有差

十一月丁亥迴紇遣使拔賀那上表賀收東京并獻逆賊史朝義旌旗等物引見于內殿賜絲物二百疋

永泰元年六月癸亥突厥自賀蘭等一十二人來朝並留左羽林軍宿衛

二年四月甲子回紇遣首領密悉吉等及牙帳一百人來朝宴于紫宸殿壬子新羅王金獻英遣使朝貢授其使檢較禮部尚書遣之

大曆二年三月己卯宴吐蕃使于禮賓院

三年正月甲子冊新羅國王金乾運冊為妃

五月丙寅御紫宸殿宴新羅回紇使

四年十月丁巳宴吐蕃尚悉摩等八人於紫宸殿

六年十一月乙酉宴文單國王婆娑等二十五人于

三殿

七年四月甲寅回紇王子左武衛員外大將軍奢乘
義卒贈天水郡王葬事官給令京兆尹充使監護乘
義歸國宿衛因以賜姓及卒帝悼之乃加禮優寵
五月丁未新羅遣金標石來賀正授衛尉員外少卿
放還蕃

九年二月甲午許蓮華寺尼悟空似先氏還俗封沂
國夫人并賜寶封一百戶似先氏回紇可汗之妻毋
故特寵之也

七月辛酉宴吐蕃使于內殿癸巳宴迴紇使骨咄祿

梅羅達于等賜物有差

十一月壬子新羅賀正使還蕃授衛尉員外郎遣
十二年十月追贈九姓回紇宰相曹密粟亡妻石氏
為岷國夫人

德宗貞元四年五月賜宴東蠻鬼王驃傍苴夢衝苴
烏星等於麟德殿頒賜各有差

驃傍等自宿雋州臣於吐蕃絕朝貢者二十餘年及是劍南節度韋臯招誘之始棄吐蕃內附來朝特封為和義順正等郡王且授以冠帶仍給兩林勿登等部部印而遣之

五年十二月庚午回紇治咄祿長壽天親毗伽可汗
薨廢朝三日仍令文武三品已上就鴻臚署其使者

六年十二月丙申詔九姓廻鶻登里羅沒密施俱錄忠貞毗伽可汗薨廢朝三日仍令文武官三品已下就鴻臚弔其使者

七年五月戊辰以渤海賀正使太嘗靖爲衛尉卿同正令歸國

八年七月甲子以廻鶻使藥羅昊檢校尚書右僕射吳本唐人姓呂氏因入廻鶻可汗使遂以可汗姓名藥羅葛氏在國用事因來朝帝嘉賚之賜命官而遣之仍給帀馬絹十萬疋

十年二月壬戌以來朝渤海王子太清允爲右衛將軍同正其下拜官三十餘人契丹大首領梅落河奚大首領梅落隘都等皆授果毅都尉令歸國

四月戊辰以雲南來朝使段南羅爲試太子詹事兼御史中丞

九月辛卯南詔使蒙奏羅揀及清平官尹求寬來獻鐸槃浪人劍及吐蕃印八鈕湊羅揀異牟尋之弟也旣朝召見於麟德殿賚賜甚厚

十一年正月甲申以降吐蕃論乞髯湯沒藏悉諾碑爲歸德將軍

二月甲子以九姓廻鶻吐祿毗伽奉誠可汗卒廢朝

三日仍令文武三品已上官就鴻臚弔其使者

四月壬戌贈南詔異牟尋弟湊羅棟右嘗侍初牟尋

令湊羅棟入朝還國卒於道故追贈焉癸亥以南詔

謝册使尹輔酋為簡較大子詹事兼中丞餘皆授官

有差甲子下勅書及贈帛賜南詔異牟尋及子各勸

清平官鄭廻尹求寬等各一書書左始引中書三官
宣奉行復舊制也

十二年七月壬辰贈故降吐蕃歸德將軍論乞髡湯

沒藏悉諾碑懷化大將軍又以論乞髡子湯忠義為

起德將軍

十四年正月壬辰以文單國朝貢使李頭及為中郎

將放還蕃

九月丁卯以黑衣大食使舍差烏雞波比三人並為

中郎將放還蕃

十一月戊申以渤海國王大嵩隣姪能信為左驍騎

衛中郎將虞侯婁蕃長都督茹富仇為右武衛將軍

並放還蕃

十八年正月戊寅以驃國王子悉利移為試太僕卿

十九年正月癸丑南詔朝賀使楊鏐龍試太僕少卿

兼待御史黎州廓清道蠻首領襲蒸化郡王劉志遼

試太常卿

二十年三月甲申以吐蕃贊普卒廢朝三日命工部侍郎張薦弔祭之命文武三品以上官弔其使

順宗以貞元二十二年正月丙申卽位二月戊辰以新羅王金重熙母和氏爲太妃妻朴氏爲妃

憲宗元和元年二月丁酉授入朝奚王海落銀青光祿大夫檢校司空饒樂郡王放還蕃國

十一月庚子朔己亥歸宿衛新羅王子金獻忠于其國加試秘書監

二年八月丙辰朔授南詔使者鄧傍傳試殿中監

三年正月甲辰授奚首領索位威衛將軍同正充檀

薊遊弈使仍賜姓李氏

三月丁亥以回紇滕里野人令俱錄毗伽可汗卒廢朝三日仍令文武三品已上就鴻臚寺弔其使者

十月己酉勅新羅王叔金彥昇弟仲恭等三人宜令本國准舊例賜戟

四年正月戊戌帝御麟德殿引南詔渤海使謁見賜物有差

十月甲午以投來奚王沒辱孤爲右領軍衛將軍員外同正充幽州盧龍軍節度使平林游弈兵馬使仍賜姓李氏

五年五月戊午麟德殿對歸國迴鶻伊難珠等三人賜錦綵器服有差

十二月丁卯麟德殿召對奚丹使賜錦綵金帛有差六年六月戊申三殿對回鶻及奚使者頒賜有差

七年正月癸酉帝御麟德殿對南詔渤海祥牻等使賜宴有差甲申賜渤海使官告三十五通衣各一襲丁亥御麟德殿對南詔使李興禮等各授以官宴賜有差

七月庚午以新羅質子試衛尉少卿賜紫金魚袋金沔爲試光祿少卿充弔祭冊立副使隨崔稜赴新羅

八月丁亥朔勅新羅國大宰相金崇斌等三人宜付本國准舊例賜戟

八年五月戊午迴鶻請和親使伊難珠還蕃宴于三殿賜以銀器繒帛

十二月壬辰帝御麟德殿召見契丹使達于可葛等賜錦綵有差丙午宴南詔渤海祥牻使仍賜以錦綵九年二月己丑麟德殿召見渤海使高禮進等三十七人宴賜有差

十年正月丁酉詔賜渤海使者卯貞壽等官告放還蕃及召見新羅及南詔蠻使宴賜有差

二月甲子賜渤海使大呂慶等官告歸之三月丙子賜渤海使者官告歸之

十一月丁酉歸契丹使以告身土九通賜其貴人

十二月辛丑賜南詔蠻使楊廷奇等告身二十九通丙午賜南詔蠻錦綵有差

十一年正月庚午授牂牁使者十六人官賜以銀綵

庚寅以國信三十一封授南詔蠻使歸之甲申歸契丹使以告身十九通賜其貴人

二月癸卯賜迴鶻渤海使錦綵銀器有差庚戌授渤海使高宿滿等二十人官

五月己酉以南詔蠻大首領蒙龍盛卒廢朝三日

十二年二月辛卯賜宴歸國迴鶻摩尼僧等八人

三月甲戌以錦綿賜渤海使大誠慎等

四月庚子以吐蕃贊普卒廢朝三日

十三年九月癸巳御麟德殿對吐蕃使論句藏戊戌命宰臣宴吐蕃使人於中書省

十四年正月癸未御麟德殿對歸國迴鶻使宴賜有差庚寅對南詔牂牁等使于麟德殿賜物有差

穆宗以元和十五年卽位二月庚寅對新羅渤海朝貢使于麟德殿宴賜有差

二月癸卯朔對歸國回鶻合達于等于麟德殿兼許和親賜錦絲銀器有差

七月壬戌詔盛飾安國慈恩千福開業章敬等寺縱吐蕃使者以觀焉乙丑對吐蕃弔祭使于麟德殿宴賜有差

九月戊辰對吐蕃使於麟德殿宴賜有差

十一月辛酉對南詔奚契丹等使於麟德殿賜以銀器錦絲

十二月壬辰對新羅渤海南詔牂牁昆明等使于麟德殿宴賜有差

長慶元年二月辛卯以九姓回鶻毗伽保義可汗薨輟朝三日仍令諸司三品以上官就鴻臚寺弔其使者

四月庚辰命宰臣等於侍中廳宴吐蕃使

二年正月壬子對渤海者於麟德殿宴賜有差

六月丁卯吐蕃遣使來朝召對於麟德殿宴賜有差

八月壬午對吐蕃使者五十人於麟德殿宴賜有差

九月戊子朔宴吐蕃使論悉諾等十五人於中書省

勅曰蕃客等皆遠申朝聘節遇重陽宜共賜錢二百貫以充宴賞仍給太常音樂丁巳對陰山府沙陁突

厥兵馬使朱邪執宜等於麟德殿仍賜官告錦絲銀器

十月壬子對回紇使者於麟德殿宴賜有差

敬宗寶曆元年六月丁亥命品官田務豐領國信十二車使迴鶻賜可汗及太和公主

文宗太和元年正月辛亥麟德殿對歸國吐蕃新羅使宴賜有差

四月癸巳御麟德殿對渤海使者十一人宴賜有差

十一月甲寅麟德殿對南詔契丹使宴賜有差

二年正月乙亥對歸國南詔使及入朝室韋于麟德

殿宴賜有差

八月丙子對入朝迴鶻安寧四十人於麟德殿宴賜有差

十二月巳卯渤海新羅室韋契丹南詔皆遣使朝貢並詔對于麟德殿宴賜有差

五年三月巳亥朔新羅國王檢拔太尉金彥昇薨廢朝

六年正月麟德殿對南詔牂牁宴賜有差

二月丙辰麟德殿對入朝吐蕃論董渤藏等一十九人又對渤海王子大明俊等六人宴賜有差

七年正月甲午麟德殿對牂牁刺史宗士方等四人
甲寅麟德殿對歸國南詔蠻王丘銓等二十二人在於
內亭子賜食賜物有差

二月己卯麟德殿對歸國頰藏等一十九人渤海王
子大光晟等六人牂牁刺史趙倫等四人昆明摩弥
叔敬等七人宴賜有差

三月庚戌麟德殿對歸國迴鶻李義節等一十九人
宴賜有差

四月辛酉以九姓迴鶻可汗薨廢朝三日仍令諸司
文武三品尚書省四品已上官就鴻臚寺弔其使者

十二月庚戌對室韋大都督阿朱等二十人牂牁刺
史謝聞臺等二十人頒賜有差

八年正月庚午麟德殿對南詔及室韋奚契丹牂牁
等使頒賜有差

開成元年十二月壬子新羅國質子武光祿卿賜紫
金魚袋金允夫進狀稱本國王命臣入朝充質二十
六年殮矣三蒙改授試官再當本國宣慰及冊立等
副使准往例皆蒙特授正官遂授武成王廟

二年正月癸巳上御麟德殿對賀正南詔洪龍軍三
十人渤海王子大明俊等一十九人宴賜有差

二月癸卯賜奚丹室韋等告身八十九通

六月甲寅賜宿衛新羅金忠信等錦綵有差

三年二月辛卯上麟德殿對入朝南詔牂牁契丹奚室韋渤海等各賜錦綵銀器有差

四年正月御麟德殿對入朝賀正南詔趙酋莫等三十七人賜官告并錦綵銀器金銀帶衣服等有差

武宗開成五年正月御位十二月御三殿對歸國南詔等十六人

會昌元年七月癸巳勅賜盟沒斯姓李名全忠制曰昔項伯歸義奉春建築賜之劉氏列在漢宗爰寵茂

勳抑惟前典盟沒斯等代雄沙漠勇冠天山早稱良將之才當佩名王之綬附于絕塞歲已再暮秉是一心竟全大義今則解其毳服始列牙旗自我加恩益聞勵節驥登吳坂感顧盼以長鳴劍出豐城繇拂拭以增煥又以右北平太守李廣北狄避之號爲飛將軍顧其苗裔頗在龍庭美瓜瓞之所興因而命氏貴棣萼之方韡當使同榮夫思在無邪忠爲令德嘉其立志用以錫名爾宜念之無替休命又以廻鶻內宰相受耶勿充歸義軍副使兼賜姓名制曰自古制軍必在佐貳逮至漢氏亦循舊章旣得將才俾參戎政

實資謀策用正紀綱受邪勿往在龍廷嘗爲貴相乘其乖亂遂拔跡於殊隣加以懷柔竟歸心於上國而又推誠所奉果協良圖每獲異謀必來獻款旋觀深志可謂竭忠昔戎狄請和全繇孟樂呼韓帥服姦自秩誓言念茂功所宜異等因其請族錫以嘉名漢賜程侯尚採祭天之義魏親程昱用疇捧日之心寵以貂璫冠於裨較服茲新命宜保厥終可檢較右散騎常侍兼歸義軍副使仍賜姓受名弘順

十一月帝御麟德殿見室韋大首領督熱論一十五人賜物有差

二年九月幽州節度使張仲武奏契丹新立屈戌等契丹舊用丹之印爲文

十二月御麟德殿引見室韋大首領督熱論一十五人宴賜有差

六年正月南詔契丹室韋渤海牂牁昆明等使並朝于宣政殿對於麟德殿賜食於內亭子仍賚錦絲器皿有差

懿宗咸通元年正月御紫宸殿受朝對室韋使

昭宗天祐元年六月佛齊國入朝使蒲訶業可寧遠將軍

梁太祖開平二年正月渤海國朝貢使殿中少令崔禮光已下各加爵秩并賜金帛有差

三年八月戊寅御文殿召契丹朝貢使昌鹿等五十人對見羣臣以遠蕃朝貢稱賀罷賜昌鹿以下酒食於客省賚銀帛有差

九月癸卯賜契丹朝貢使曷魯押進將軍汚鹿副使夫達通事王梅落及首領等銀絹有差

乾化元年十一月丙午以廻鶻都督周易言爲右監門大將軍同正地略李麥之石壽兒石論斯並左下平高將軍同正李屋列殊安鹽山並右千牛將軍同

正吐蕃温末首領杜論沒悉伽杜論心並左領軍衛將軍同正温末蘇論乞祿論右領軍衛將軍同正蔡未廻鶻入朝僧凝盧宜李思宜延錢等並賜紫衣還蕃

二年閏五月戊申詔以分物銀器賜渤海進貢首領以下遣還其國庚申温末首領熱通鉢督崔延沒相等並授銀青光祿大夫檢校太子賓客遣還本部後唐莊宗同光元年十一月丁巳新羅國王朴英遣倉部侍郎金樂錄事參軍金幼卿朝貢賜物有差二年四月戊寅新羅朝貢使授朝散大夫守倉部侍

郎賜紫金魚袋金岳爲朝議大夫試衛尉卿

五月庚申賜渤海朝貢使大元讓等分物有差

八月渤海朝貢使王姪學堂親衛大元謙可試國子監丞

十一月庚寅以黑水國朝貢元兒爲歸化中郎將

三年五月乙卯以渤海國入朝使政當省守和部少卿賜紫金魚袋裴璆可右贊善大夫

明宗天成二年三月乙卯以新羅國權知康州事士逢規爲懷化將軍新羅國前登州都督府長張希岩新羅國登州知後官本國金州司馬李彥謨並可簡

較右散騎嘗侍庚午以新羅國入朝使中散大夫兵部侍郎賜紫金魚袋張恭可檢校工部尚書副史兵部郎中賜緋魚袋朴術洪可兼御史中丞判官倉部員外郎賜緋魚袋李忠式可兼侍御史

四月新羅國康州遣使林彥朝貢對於中興殿賜物有差

八月昆明大鬼主羅殿王普露靜王九部落各差使若土等隨牂牁清州八郡刺史宋朝化等一百五十三人來朝各賜等第官告繒帛錦衣銀器放還蕃九月壬申契丹差梅老滑骨以下進奉各有頒賜

十二月宣飛勝指揮使安念德使於契丹賜契丹王錦綾羅三百五十疋金花銀器五百兩寶裝酒器一副其毋繡被一張寶裝纓絡一副

三年正月巳酉契丹王阿保機妻差使送前振武副使劉在到行闕賜在金錢帛銀器金帶鋪陳氈褥甚厚甲子契丹使秃泖悲梅老以下五十人進奉仍各賜錦衣銀帶束帛有差宣散指揮使奔托山押國信辰勅以吐蕃野利延孫等六人並可懷遠將軍回鶻米里節督等四人並可歸德將軍

二月甲午勅吐渾寧朔奉化兩府都知兵馬使檢較司徒李紹魯可授光祿大夫檢較太保竭忠建策興復功臣吐渾寧朔府都督檢較工部尚書赫連公德可金紫光祿大夫檢較右僕射賜忠義正衛功臣五月辛未回鶻使辭於便殿賜賚有差

九月甲申吐蕃回紇入貢使放還蕃賜錦衣繒帛有差壬辰吐蕃使閻薩羅等三人並可歸化司義回紇使羅婆都督可歸化司階

十月甲子差春州刺史米海金押國信賜契丹王及迴使梅老秀里等辭賜物有差

十二月壬戌吐蕃夔王子撥氈可歸德郎將首領十人並授歸化司戈

四年正月壬辰回鶻入朝使掣撥都督等五人並可懷化司戈

七月乙酉以渤海國前入朝使高正詞爲太子洗馬八月乙巳黑水朝貢使骨至來可歸德司戈癸亥北京奏葬摩尼和尚摩尼回鶻之佛師也先日本國來大原少尹李彥圖者武宗時懷化郡王李思忠之孫也思忠本回鶻王子盟沒斯也歸國錫姓名關中大亂之後彥圖挈其族歸太祖宅一區宅邊置摩尼院

以告之至是卒

長興元年正月勅河西党項蕃官來萬德可懷化司戈餘如故

十二月以党項折家族五鎮都知兵馬使折文政檢較僕射以党項薄備家族都督薄備撒羅檢較尚書二年十一月戊申以吐蕃首領掇里忙布蘭氈並爲歸德司戈

三年正月渤海回鶻順化可汗吐蕃各遣使朝貢涼州奏將吏有狀請朝廷命帥兼進方物諸蕃使各賜物有差

三月丙申回鶻朝貢使都督拽祝爲懷化將軍副使
印安勤懷化郎將監使美梨懷化司候判官裴連兒
懷化司階己亥以吐蕃朝貢使左廂首領右千牛衛
將軍同正野利閻心爲歸德大將軍右廂首領錢心
爲懷化郎將中廂首領李琪讀歸利司候重雲都督
對兒六突兒鷄並爲歸德司階

五月契丹入朝使繡骨梅里辭歸蕃賜分物鞍馬錦
袍銀帶

七月詔特進簡較太保使持節玄菟州都督上柱國
高麗國王建妻河東柳氏可封河東郡夫人高麗入

朝使太相王儒奏請也

十一月吐蕃朝貢使辭人賜虎皮一張皆披虎皮拜
謝委身婉轉落其氊帽見髮亂如蓬帝笑之不已
四年七月癸巳回鶻遣都督李米等三十人來朝進
白鶻一聯帝召對於廣壽殿厚加錫賚仍命解放其

鶻

閏帝應順元年正月賜迴鶻入朝摩尼八人物有差
閏正月瓜州入貢牙將唐進汝州入貢梁行通回鶻
朝貢安摩訶等辭各賜錦袍銀帶物有差

廢帝清泰二年八月乙亥回鶻朝貢使密錄都督陳

祿海爲懷化郎將副使達奚相溫爲懷光司階監使
屈密錄阿撥爲歸德司戈判官安均爲懷化司戈

三年正月庚午以高麗朝貢使王子太相王規檢較
尚書右僕射副使廣評侍郎崔儒試將作監其節級
三十餘人並授司戈司階

二月戊辰以吐渾寧朔奉化兩府留後檢較尚書左
僕射李可久超授檢較司徒其副使檢較工部尚書
赫連海龍可檢較尚書左僕射其兩府大夫李鐵匱
可檢較右僕射可久海龍鐵匱皆吐渾白姓赫連部
落前朝賜姓已已以熟吐渾左廂都指揮使李金福

右廂赫連撒濫並可懷化司階指揮使党海甲段公
奴梁康全王堂九喜骨吐山党公政段貞福康息力
慕容子谷李海全李冬山兩府都評事梁憂根啜等
並可懷化司戈吐渾指揮使党統粹秦公達慕容葛
禮並可懷化司戈皆吐渾兩府白赫連之將較也

晉高祖天福二年春故契丹人皇王歸葬輟視朝三
日
十一月詔賜北朝曷魯相公聶相公幽州趙思溫贈
帛器皿以前屯瀛州援王師討魏故也

三年五月回鶻朝貢使都督翟全福并肅州甘州專

使僧等歸本國賜鞍馬銀器繒帛有差

十一月授于闐國進奉使檢較太尉馬繼榮鎮國大將軍副使黃門將軍國子少監張再通試衛尉卿監使殿頭承旨通事舍人吳順規試將作少監回鶻使都督李方金歸義大將軍監使雷福德順化將軍漢隱帝乾祐元年七月以回鶻入朝貢使李握爲歸德大將軍副使安鐵山監使未相溫並爲歸德將軍判官翟毛哥爲懷化將軍于闐入朝使王知鐸檢校司空副使張文達檢較右僕射監使劉行立檢較兵部尚書判官秦元保檢較左僕射並放還蕃

周太祖廣順元年二月癸丑寒食節太祖出玄化門至蒲池設御幄遙拜諸陵宣召契丹使裴骨支回鶻都督賜酒食未時還宮己未裴骨支辭賜衣着五十疋銀器二十兩絲二十疋又賜從人各絲三十疋世宗顯德五年甲午詔賜迴鶻達怛國信物有差六年正月壬子高麗國王王昭遣其臣王子佐丞王兢佐尹皇甫魏光等來進名馬及織成衣襖弓劍器甲等賜兢等龍衣銀帶器幣有差十一月壬戌占城國進奉使蒲河散金婆羅等辭各賜分物有差仍令齎金銀器千兩繒絲十段及細甲

册府元龜 卷之三

卷之九百七十六

名馬銀鞍勒等就易本國王釋利因

